



# education

Department:  
Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESITSATFU (P3)**

**INDLOVULENKHULU/MASHI 2010**

**EMAMAKI: 100**

**SIKHATSI: 2½ ema-awa**

**Leliphepha linemakhasi lasi-6.**



**TICONDZISO KULABAHLOLWAKO**

1. Leliphepha lehlukaniwe tigaba letintsatfu:  
SIGABA A: Indzaba (50)  
SIGABA B: Ematheksthi emibhalombiko lemidzana (30)  
SIGABA C: Ematheksthi lamafisha emibhalombiko/latucukatsilwati (20)
2. Phendvula munye umbuto esigabeni A, munye esigabeni B, namunye esigabeni C.
3. Bhala tonkhe timphendvulo ngeSiswati.
4. Cala leso naleso sigaba ekhasini lelisha.
5. Hlela (Sib. libalave lengcondvo, umdvwebo, ifuloshadi, njll.) uphindze uhlunge emaphutsa emisebentini wakho. Cala ngeluhlaka ngembikwekubhala indzaba.
6. Luhlaka aluvetwe ngalokucacile. Dweba umugca lovundlile etikweluhlaka.
7. Citsa lokungenani imizuzu lengema-80 esigabeni A, lengema-40 esigabeni B nale ngema-30 esigabeni C.
8. Tinombolo tetimphendvulo atihambisane naleto letisephepheni lemibuto njengobe tinjalo.
9. Nika leyo naleyo mphendvulo sihloko lesifanele.  
CAPHELA: Sihloko asinganakwa nakubalwa linani lemagama.
10. Bhala ngebunono nangesandla lesifundzekako.

**SIGABA A: INDZABA**

Bhala indzaba NGASINYE saletihloko letilandzelako ibe ngemagama langabi ngaphasi kwalali-340 aphindze angabi ngetulu kwalali-390.


1. Kukhona labatsi kutekana kwebantfu bebuve lobehlukene akusikahle ngobe kuyawabulala emasiko. Ngabe uyavumelana yini nalombono? [50]

**NOBE**

2. Konkhe sekume ngemumo ngemalungiselelo emidlalo yelibhola yendzebe yemhlaba yeFIFA yanga -2010 letawudlalelwa kuleli. [50]

**NOBE**

3. Bhala indzaba ucondzise kulesitfombe lesingentasi. Yinike sihloko lesifanele indzaba yakho.



[50]

**NOBE**

4. Buhle nebubi bemtsetfo lovumela kukhishwa kwetisu. [50]

**NOBE**

5. Umholi lengimtsandzako. [50]

**NOBE**

6. Nginguloku lenginguko ngenca yendlela lengakhuliswa ngayo.

[50]

**NOBE**

7. Kulwa nebugebengu akusiwo umsebenti wahulumende kuphela, kepha nemmango kufanele welekelele hulumende ekunciphiseni bugebengu kulelive. Bhala indzaba lefakazela lombono usho nesandla lesingafakwa ngummango ekunciphiseni lobugebengu lose budlange kangaka.

[50]

**NOBE**

8. Bhala indzaba ngekuhlukunyetwa kwemalungelo emmangweni ucondzise kulokwenteka kulesitfombe lesilandzelako.



[50]

**SAMBA SIGABA A: 50**

**SIGABA B: EMATHEKSTHI EMIBHALOMBIKO LEMIDZANA**

Khetsa KUNYE kulokulandzelako ubhale ngako ngemagama langabi ngaphasi kwalali-100 aphindze angabi ngetulu kwalali-120.

**1. INCWADZI YEBUNGANI**

Umngani wakho uzuze umklomelo wenkhulungwane yemarandi emncintiswaneni wavelonkhe wekukhuluma. Mbhalele incwadzi umhalalisele.

**[30]****NOBE****2. INCWADZI LEHLELEKILE**

Bhalela sodolobha wangakini umbonge ngekunifakela gezi nemanti endzaweni yakini

**[30]****NOBE****3. INKHULUMOMPHENDVULWANO**

Uhambe waya edzilini lemngani wakho ngaphandle kwemvumo yebatali bakho, wabuya ebusuku. Utsite nawufika ekhaya wakhandza umtali wakho afukutsele agane lunwabu. Bhala inkhulumomphendvulwano emkhatsini wakho nemtali wakho.

**[30]****NOBE****4. LUHLELO NEMAMINITHI ALOMHLANGANO**

Endzaweni yakini sekwandze umkhuba wekugebenga bantfu nababuya emsebentini nase kuhwalele. Njengelifhoyisa lemmango ubite umhlangano kutewudzingidza lenkinga. Bhala luhlelo nemaminithi alomhlangano.

**[30]****SAMBA SIGABA B: 30**

**SIGABA C: EMATHEKSTHI LAMAFISHA EMIBHALOMBIKO/LATICUKATSILWATI**

Khetsa KUNYE kulokulandzelako ubhale ngako ngemagama langabi ngaphasi kwalangema-80 aphindze angabi ngetulu kwalali-100.

**1. IPHOSTA**

Licembu lenu lidle umhlanganiso elukhetfweni lwavelonkhe. Kuhlelwe umcimbi wekujabulela lempumelelo lotawube usenkundleni yetemidlalo endzaweni yakini. Kulomcimbi kutawube kukhona mengameli walelicembu kanye nandvunankhulu wesifundza. Kumenywe nebaculi labasembili kutewunandzisa kulomcimbi. Bhala iphosta watise sive ngalomcimbi.

**[20]****NOBE****2. TICONDZISO**

Umnakenu uphuke lunyawo ebholeni. Nibese nimyisa enyangeni kute ayotfola lusitoatewutfola lusito. Inyanga ininikete emakhambi lekufanele niwasebentise. Bhala ticondziso uchaze kutsi lamakhambi asetjentiswa njani.

**[20]****NOBE****3. SIKHANGISI**

Uvule libhizinisi lekutsengisa tinkhukhu nemacandza endzaweni yakini. Bhala sikhangisi salelibhizinisi.

**[20]****SAMBA SIGABA C: 20****SAMBA SAKO KONKHE: 100**